



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cautela Confessarii Pro Foro Sacramentali Occasione
Decretorum S. M. Alex. VII. Innoc. XI. Et Alexandri VIII. ...**

Matthaeucci, Augustín

Francofurti Ad Moenum, 1711

Cap. XVIII. Administratio Sacmentorum simulata.

urn:nbn:de:hbz:466:1-40684

se diligere. 4. Quando ex cupiditate lucis cum gravi damno proximi interno, vel externo quis jactat se doctorem, aut medicum, & inde falsam doctrinam seminat; vel pecuniam lucratur, aut corpora laedit, vel Cathedram obtinet, alias non obtenturus; quo casu tenetur, & Cathedram resignare, & pecuniam restituere; aliaque illatae damna resarcire. Quod si quis se jactaret, vel ut gloriam, aut lucrum acquireret, modo esset sine notabili damno proximi, foret solum veniale, utpote spectans ad mendacium officiosum: ut ibid. optimè S. Doctor ad tertium. Toties itaque jactantia est mortalis, quoties cum mendacio perniciose conjungitur; & quis contra Charitatem Dei, suam, vel proximi jactanter loquitur. Vide De la Cruz, de mendacio.

De mendacio in Confessione prolati diximus lib. I. cap. 7. num. 15.

CAPUT XVIII.

Prop. XXIX. ab Innoc. XI. Ec.

Administratio Sacramentorum non simulata.

i. PROP. 29. Urgens metus gravis est causa iusta Sacramentorum administrationem simulandi.

Etiam Authores propositionis supponunt esse illicitem absque gravi cœla simulare administrare Sacra menta; sed in eo errant, dum statuunt urgentem metum esse causam gravem, & justam, ratione cuius non sit illicitem Sacramentorum administrationem simulare.

2. Simulatio habetur, cum quis per Matthæi Cantela Confess.

signa externa factorum, vel rerum significat aliquid falsum, quod in mente non habet: & duplex est: *materialis*, & *formalis*: hæc dicitur, qua sit ex intentione decipiendi, saltem virtuali, qua quis nimis intendit, quod alii intelligent aliter ac ipse cognoscit rem se habere; explico: expono vestes aeri, quibus uti soleo, dum iter facio, animo, ut videntes decipientur, & putent me velle iter facere, & tamen de hoc non cogto, sed potius de opposito: in casu formaliter simulando. Illa vero, cum quis ponit signa externa indifferenter ad plura significanda, per quæ præter intentionem operantis aliqui decipiuntur; patet eodem exemplo: vestes aeri exposita duo significare possunt, unum, quod quis velit illis uti ad iter faciendum; alterum, ut beneficio aeris à corrosione tinearum serventur illesæ. Si videntes eas aeri expositas intelligent, me velle iter facere, quod non intendo, quoad eos materialiter simulando.

Circa quod sunt Confessario aperienda dubia infra scripta.

3. Quæritur, an non modo damnetur propositio, quatenus affirmat licitam simulationem formalē in administratiōne Sacramentorum, hoc est ex intentione decipiendi, saltem virtuali; verum etiam damnetur quoque, quatenus agit de simulatione materiali, in qua scilicet præter intentionem administrantis decipiuntur fideles?

Resp. Affirmative; ratio est, quia damnatur propositio, quatenus simulatio affert irreverentiam Sacramentis, sed irreverentia Sacramentis interrogatur per simulationem, tam formalem, quam materia-

(Ccc) teria-

terialem, ergo utraque damnatur; minor est certa, & patet à pari: qui coram Idolo Thus in thuribulum ponit, non excusetur à peccato, per hoc, quod id agat simulatione materiali, & sine intentione significandi adstantibus affectum adoracionis, vel cum sola intentione olfaciens odorem thuris; non modo propter scandalum, verum etiam, quia actio illa, est externus cultus Idoli: ergo, sicut immittens incensum in thuribulum coram Idolo, etiam cum simulatione materiali, non excusatur à peccato mortali contra preceptum adorandi solum Deum, sic ministrans Sacramentum cum sola simulatione materiali, non excusatur à peccato contra reverentiam debitam Sacramentis; nam, quemadmodum ille externam, & illicitam reverentiam exhibet Idolo, quamvis affectus internus feratur in Christum, sic iste irreverentiam rebus Sacris irrogat. Tum quia, Authores propositionis loquuntur indistinctè de omni simulatione, ergo qualibet damnatur, ergo etiam materialis, quia est verè simulatione. Tum quia, qualiquo modo simulat, administrationem Sacramentorum fingit, & assert circumstantiam irreverentiae, & consequenter peccat contra reverentiam Sacramentis debitam.

4. Quæritur, an ad vitandum scandalum possit licet ministrari hostia non consecrata, pro consecrata: V. G. est homo in articulo mortis, nulla habetur hostia consecrata pro Viatico dando, si ad ipsum non deferatur, tota gens scandalizatur, & commovetur; dubitatur, an ad scandalum vitandum prekeri possit hostia non consecrata?

Resp. Negativè, quia ea facta communione est simulatio in administratione Eucharistie; fингitur enim esse Eucharistia, ea, qua non est talis, & peccat graviter Sacerdos. 1. Quia fingit rem divinam, ubi non est. 2. Exhibendo hostia non consecrata externam adorationem Latriæ. 3. Præbendo occasionem aliis ad eam adorandam; que omnia sunt graviter illicita.

5. Sed quæritur, an, cum Confessorius ex sola Confessione Sacramentali invit penitentem, accedentem ad Sacramensem, esse pane Angelico indignum, possit licet loco hostia consecrata præbente non consecratam?

Resp. Aliqui apud Gobat. experient. Theolog. tract. 4. casu 21. sect. 1. num. 377. putarunt posse, modo penitentem consecrat, & Sacerdos cum hostia non consecrata, teneat simul in manu aliam consecratam, ut etiam circumstantes debet objectum suæ adoracionis habent. Quæ sententia est prorsus improbabilis, & fallax, idè non posse dicimus; nam tunc Sacerdos mentiretur, & adstantes deciperet: significaret enim se dare hostiam consecratam, quæ non datur, unde peccaret. 1. Peccato falsitatis, & simulationis. 2. Peccato irreverentie erga Sacram hostiam; nam fraudulenter rem divinam simularer, & propterea Deo illuderet, quod gravissimum crimen est, ex cap. de homine, de celebrati Missarum.

6. Sed, an debet dare consecratam?

Resp. Affirmativè, si sit peccator occulus, ne sigillum Confessionis frangat. Vide cap. 33.

7. Quæritur, an Sacerdos, cui Hæresis

vericus, strido gladio, mortem minatur, si non consecret totum panem, qui, vel in platea est expositus venditioni, aut de recenti in fugo coctus, possit ad fugiendam mortem verba consecrationis proferre sine intentione consecrandi?

Resp. Negativè: grave enim scelus est contra reverentiam Saeramenti proferre verba consecrationis, à Christo Dominino instituta pro confectione Sacramenti, sine intentione consecrandi, sed ad simulandum, ac mentendum, & Deo illudendum; quod est ita intrinsecè malum, ut nullam ob causam iustificari possit, argum. ex alleg. cap. de homine: ubi Pontifex declarat, gravius peccatè Presbyterum, qui in mortali celebrans non consecravit, quam si consecraret; sed certè, si non gravius, & què saltem grave est, proferre verba consecrationis sine intentione consecrandi, ac omittere, vel supprimere verba ipsa, cum dicenda sunt; nam utrobius fraudulenter res divina simulatur: quod est Deo illudere, & gravissimum scelus, ut ibi textus.

8. Sed quid, dicendum, si Hereticus ille ignoraret verba consecrationis, & Sacerdos ad effugiendum mortis periculum recitare Orationem Dominicam, sic simulando Consecrationem?

Resp. Cardenas dixit, posse Sacerdotem illam Orationem recitare, non intentione decipiendi hereticum, quia tunc consecrationem simuleret, & formaliter mentiretur, adeòque peccaret, etiam contra reverentiam debitam Saeramento: bene verò, si ad eam recipiendam procederet sine tali intentione;

quia tunc solum ex intentione materiali illam Orationem proferret; sed hoc etiam non posse judico; nam Oratio illa respectu illius hereticī, cum quo res agitur, assumeretur à Sacerdote ad significandum aliud ab eo, quam hereticus intenderet; nam ipse intenderet, quod per ea verba panem consecraret, & Sacerdos, ad hunc finem non instituta proferret: ideo saltem virtualiter ipsum deciperet; quoniam, tunc quis decipitur, cum ei per signum externum aliquid aliud quis significat, quam ille judicet, vel quam ipse petat. Et ex eo præsertim patet, quod si Sacerdos postea interrogaretur, an panis esset consecratus, respondere non posset, affirmando, nisi vellet mentiri: ergo evidens est, quod ipsum deceperet, & formaliter simulasset consecrationem; quod cum ex decreto Innoc. non sit, etiam quocumque metu urgente, licitum, nec in casu id prædicto Sacerdoti licere est dicendum; ideo, quando alia via non posset sibi providere, deberet se Deo commendare, & mortem subire.

9. Sed queritur, an, si supra panem illum proferret verba consecrationis cum intentione consecrandi, peccaret?

Resp. Affirmandum videtur, nam certè irrationabiliter, & imprudenter ageret; nam non est verisimile, quod Christus pro licita consecratione instituerit quantitatem ita magnam, quæ non posset defervire usui fidelium. Poncii mox citandus.

10. Sed petitur, an tota illa quantitas esset consecrata?

Resp. Quamvis id non spectet ad propositum casum, adhuc tamen affirmamus.

(Ccc) 2

mus.

mus. Nam non constat, Christum pro materia consecrationis determinasse aliquam quantitatem panis, & vini sub tanta, vel tanta magnitudine, sed de fide est, ipsum instituisse pro materia consecrationis Corporis, panem triticeum, & pro materia consecrationis Sanguinis, vinum de vite, ex dicend. lib. 4. cap. 4. Ergo, cum illa quantitas sit panis triticeus, & sufficienter praesens Sacerdoti, (quod supponitur) videtur tota esse concreata, si super eam eius intentione consecrandi verba consecrationis protrahet. Videatur Ponc. disp. 44. q. 3. n. 35. & Marchant. Hort. Pass. Candel. Mist. tr. 4. cap. 1. resolut.

11. Quæritur, accedit paenitens, qui est in occasione proxima peccandi, quam deserere non vult: dubitatur, an Confessarius possit simulare ipsum absolvere: quod videtur necessarium ad evitanda hac incommoda. 1. Ne ipsum absolvens, gravissime peccet absolvendo indignum. 2. Ne volet sigillum, nam adstantes possent animadvertere ex absolutionis omissione, ipsum esse in malo statu, & indignum absolucione, ergo, cum utrumque utaturus sit, si singas, vel simulet, absolvere poterit, immo debet proferre verba absolutionis sine intentione absolvendi.

Resp. Non potest simulare ipsum absolvere; nam: si proferat haec verba: ego te absolvō: sine intentione absolvendi, mentitur, & magnum irrogat irreverentiam Sacramento, à Christo Domino instituto ad finem dimittendi peccata.

12. Sed quid, est Confessario agendum?

Resp. Potest alias orationes tacite recitare, vel paenitentem benedicere, non animo ipsum absolvendi, vel alios deci-

piendi, sed solum, ne indignitatem paenitentis prodat, & ne sigillum violat: quod est servandum, tam verbis, quam factis, ex cap. omissis utriusque sexus de paenite & remissi. Et quamvis adstantes deciperentur, non probat Confessarius, non posse ita se gerere, quia, nec id Confessarius intenderet, nec esset propria, & in rigore simulatio pertinens ad Sacramentum, cum præfatae orationes ad formam Sacramenti non pertineant. Verum, si eas orationes, vel Paet., & Ave recitaret, intentione, ut adstantes deciperentur, vel, ut cognosceretur paenitentem absolvere, aut animo absolvendi mortaliter peccaret & peccato-mediaci, & contra reverentiam Sacramento debitam.

13. Sed quid, si paenitens, audiens à Confessario sibi negari absolutionem, mortem minoratur Confessario, nisi absolvat?

Resp. Nec tunc Confessario licet absolutionem simulare dicendo formam absolutionis sacramentalis, qualiter vindicatur sine intentione absolvendi; vel, alias orationis recitare intentione, ut, vel ipse paenitens, vel alii percepient, se ipsum absolvere; nam semper mentiretur, & irreverentiam Sacramento irrogaret.

14. Sed quid, si paenitens sub iisdem minis instaret, quod Confessarius dicere, & distinctè proferret verba absolutionis. Ego te absolvō?

Reip. Cardenas cap. 5. num. 63. dicit, quod, cum verba essentialia absolutionis sacramentalis: ego te absolvō, possint, etiam significare absolutionem à confessari, si, cum ea intentione proferantur, vel submissa voce pronunciando à confessari: possit Confessarius metuens sibi

metuens

mortem à penitente, dicere *absolvote*, subintelligendo à censuris.

Quòd sanè meo videri fallum est; nam hujusmodi locutio, *absolvote*, subintelligendo à censuris, est locutio cum restrictione mentali: hujusmodi autem locutio ex dictis Superiori capite licita non est; ergo, nec ea verba proferre cum ea restrictione, nisi velit mentiri, & penitentem decipere, qui putaret se à peccatis absolvī, & Confessarius intenderet ipsum à censuris liberare; propterè in casu, quando non posset penitentem à suo proposito removere, deberet potius mortem expectare, quam peccatum committere.

15. Sed quid, si paenitens, id audiens, diceret, ad minus si non potes, fingas me absolvere?

Resp. Deberet Confessarius palam loqui: ego non possum te absolvēre, quia es indispōsus; nec possum fingere, aut mentiri, & irreverentiam Sacramento irrogare: si vis benedici; benedicam: sed ab illi me aliquid agere, quod absolūtione similem, vel, quo intendam, vel alios decipere, aut contra reverentiam, Sacramento debitam agere.

16. Sed queritur, an possit ad non simulantam absolutionē apponere conditionē: te absolvō, si occasionem dimiseris?

Resp. Negativè; nam ad evitandum unum peccatum, aliud committeret absolvens indispōsus, ex dictis cap. 3. s. Notandum itaque est, quod non valeret absolutio conditionata, seu quæ datur cum conditione de futuro: ut te *absolvō*, si etas restituiris, esto cras restitua; ratio est, quia non potest suspensi effectus Sacramenti: quod statim, vel operatur totum, si paenitens de presenti sit dispo-

tus, vel nunquam, si est indispōsus; valet autem data cum conditione de presenti, vel de præterito; ut *absolvō te si es dispositus*: vel, te *absolvō*, si restitūisti, ut afferis; nam effectus Sacramenti non suspenditur, sed statim ponitur, si in penitentia reperiatur dispositio de presenti, & de facto, ut affirmat, restitutionem fecerit; peccaret autem Sacerdos illas conditiones ad libitum, & absque convenienti necessitate apponens; nam non debet variare ritum ab Ecclesia determinatum; sed ubi adest necessitas, licet apponitur. Sic licet sub conditione: *sies dispositus, & absolutionis capax*: absolvitur moribundus, qui loqui non potest, & solùm per signa aliqua doloris peccatum ostendit; nam propter appositam conditionē non expōnitur Sacramentum periculo nullitatis, & per absolutionē provideatur saluti infirmi, ne periculo damnationis expōnatur; cui fortè exponeretur, nisi saltem sub ea conditione, adhiberetur Sacramentum, ad remittenda peccata institutum.

17. Quæritur: vocatur *Confessarius à Petro, detento in vinculis*, cui exponit: Pater, à tribus mensibus prior mea libertate: casam aperio: sex ab hinc mensibus contraxis sponsalia cum Berta deinde cognovi carnaliter ipsius sororem, propter quod contraxis impedimentum dirimens, matrimonium contrahendum, & quia propter eā nolui eam ducere, ipsa instigat apud Episcopum, ut me cogeret ad implenda promissa sponsalia: cui propter impedimentum mihi notum, obediens nolui; & proprieā me incarcetavit, & excommunicatum denunciavit; quare, an ad vitanda hac incommoda possim contrahere, non ex animo gradenda sponsa

(Ecc) 3

sponsa

sponsa potestatem in meum corpus, quia
jam scio, matrimonium propter prefatum
impedimentum esse nullum sed sine inten-
tione me obligandi, & simulandi contra-
etum?

Resp. Negativè; sive cum animo con-
trahendi, contrahas, sive absque animo,
eam ducas, semper peccas contra re-
verentiam debitam Sacramento; nam sem-
per facis illud irritum: in primo casu,
qui contrahis cum impedimentoo diri-
mente: in secundo vero, quia simulas Sa-
cramentum, nec intentionem habes fa-
ciendi Sacramentum, & te obligandi; nec
potes ex metu, quamvis gravi, excusari;
& peccas peccato mendacii, & deceptio-
nis; nam falsum dicis, si respondeas, te
accipere Bertam in tuam: animum enim
contrahendi, & celebrandi contractum
non habes. Remedium itaque erit, ut
ad Sacram Penitentiariam pro dispensa-
tione super impedimentoo recurras,
quam, quia occultum, obtinebis: vel de
impedimento conferas cum Episcopo, ut
super eo instructus juxta negotii gravita-
tem provideat.

Quæ sanè est melior responsio pro pra-
xi, quam allata à Cardenas cap. 7. Ubi
resolvit posse Petrum simulare matrimo-
nium, ut contractus est, non vero ut
Sacramentum. Quam distinctionem
vide lib. 4. cap. ult. ubi tradimus eas duas
rationes non posse à viro Catholico se-
parari.

Immò, dum Petrus eas separaret, Ber-
tam deciperet: quæ non exigit matrimo-
nium, ut est qualitercumque contractus,
sed ut est Sacramentum à Christo institu-
tum, ergo simulatio, & deceiptio ipsius
non solum tenderet in matrimonium sub-

ratione contractus, verum quoque inesse
Sacramenti; ergo mentiretur; vel fal-
tem deberet loqui cum restrictione men-
tali, quod cap. propterito esse illicitum
Innoc. diximus.

CAPUT XIX.

Prop. XXX. XXXI. XXXII.

& XXXIII.

ab Innoc. XI. &c.

Homicidium ad defensionem rerum.

1. PROP. 30. Eas est viro honorati-
cidere invajorem, qui nuntiatur cal-
umniam inferre, si aliter hac ignominia-
ri nequit; idem quoque dicendum, si
quis impingat alapam, vel fuisse percussus,
& post impactum alapam, vel idem fuisse
fugiat.

PROP. 31. Regulariter occidere possum
furem pro conservatione unius anni.

PROP. 32. Non solum licitum est de-
fender & defensione occisiva, quæ alibi possi-
demus, sed etiam, ad quæ juri inchoatum habi-
bemus, & quæ nos possessorum sper-
mus.

PROP. 33. Licitum est, tam heridi,
quam legatario contra injusto impedi-
tem, ne, vel hereditas adeatur, vel legatus
solvantur, se taliter defendere; sicut &
jus habenti in Cathedram, vel præbendam,
contra eorum possessionem injuste impedi-
tem.

De homicidio ad defensionem hono-
ris diximus lib. I. cap. 13, videatibi Con-
fessarius, & hie alia, etiam ad defensio-
nem rerum, ponderet.

2. Quæritur, Quæ ad defendendum
honoris